

《中國地方藝文薈萃》編委會 編

中國地方藝文薈萃

學苑出版社

中國卷·第一輯

中南卷·第一輯

陸

中國地方藝文薈萃

《中國地方藝文薈萃》編委會 編

德州师范学院内部使用

# 第六册目錄

皇明豫章詩選二十四卷(四)	· · · · ·	一
鄂渚同聲集初編七卷二編二十卷三編八卷(二)	· · · · ·	一八九

皇明豫章詩選二十四卷（四）

貴州师范学院内部使用

皇明豫章詩選二十四卷（四）

（明）舒日敬輯

據明崇禎九年（一六三六）刻本影印

皇明豫章詩選目錄卷之二十一

特選 山人


羅 治 字敬叔 著有大月山人集 南昌人

余 紉 蘭 字漪叔 著有燕林內傳 八識規矩 奉新人

吳 錕 字世鳴 隆慶間山人 詩僅三首 豐城人

釋 來 復 姓黃 字見之 豐城人 高廟初以高僧召見 覽其詩文甚

稱賞



釋 治

五言律

送吳淑嘉遊匡廬兼訊故園諸子

遠攜廬岳屐獨泛蠡湖船  
百道看飛瀑千峰入紫煙  
洞猶藏白鹿碑尚紀青蓮  
爲報南州士空慚旅食年

望白下

野曠飛雙鳥天深進小舠  
青山瓜步近紫氣秣

陵高岼柳常埋霧江風慣作濤愁心看落日百  
里也爲勞

次南康

此夕阻南康猶憐近故鄉幾家臨水岼萬柳覆  
城墻日射匡廬紫煙蒸蠡澤黃川途渺何適離  
恨與俱長

天津衛東趙夢白戶曹

渾渾河源急蒼蒼海色高將營屯萬馬甲士聚

千艘財賦東南盡  
征求日夜勞  
要知經國者  
帝力到秋毫

過彭澤

霜落秋衣換  
江湖潦水窮  
岸迴彭澤柳  
舟險馬當風  
土俗人言朴  
酒鮮鄉味同  
更將山水意  
飛動問陶公

訪彭仲升孝廉江上

偶乘今日興  
一扣故人扉  
自笑形容老  
翻憐語

嘿違深尊開驟雨衆鳥下斜暉安子北牕下將  
余南浦歸

登天游峯

茲遊真汗漫方外故蕭條望海孤蟾近行天雙  
鶴遙霞光留捲幔虹氣待成橋因憶飛昇事仙  
人或可招

謁溫太真祠

尺土英雄往緣江俎豆存時艱逢晉祚志決取

王敦草樹新祠屋魚龍拜墓門未須傷代謝聊  
並薦芳蓀

哭江夏丁元父職方

昔在朱方日同乘白下舟三分問形勝六代覽  
風流余頗耽微詠君真愛遠遊兩情看未厭經  
月上牛頭

共遊南北路曾負楚狂名譚笑闡詞社沉冥據  
酒城絃調爲鳳曲劒拂作龍吟歷歷當時事悠

悠漢水清

大兒君自見次亦漫無成不念爲男子何知慚  
父兄早時曾犬字長日負駒名敢及吾身後茫  
然涕泗橫

生稱衡岳主死占祝融峯真氣雲連霧游魂栢  
似松山開石郭待 帝下玉棺封城郭來何日  
青天白鶴從

七言律

村居偶得李本寧先生手書却寄

君昔匡廬訪古禪  
籃輿遙度虎谿前  
山隈有雪猿啼樹  
潭上無風鹿飲泉  
白日燈然平壁雨  
清秋鐘韻半巖天  
一從勝蹟收遊屐  
長見香爐送紫煙

寄贈舒碣石明府卜居城東隅

近市聞君卜草堂  
蔚然林壑擬濠梁  
池流一帶含星動  
樹色千家掛雨蒼  
白日懸車聊避世  
青

春結綬薄爲郎郭南亦有幽棲者獨咏衡門泌  
水長

寄樊致虛比部淮上

飄飄使節遠監河河上風光近若何雲氣樓臺  
渝海盡天空舟楫渡淮多小山定長新叢桂南  
浦仍添舊綠波兩地同聲不相見祗堪搔首向  
悲歌

九日再寄胡實美

平原四望羃荒煙兩歲思君九日前蕭颯再逢  
南國暮栖遲虛詠北風天菊潭幾曲寒流淨楓  
岫千家落照偏自笑而翁強健在龍山誰與杖  
鳩先

送張季琰歸雲間

陌上春風吹別衣送君猶及對芳菲一川花鳥  
扁舟暮萬戶桑蠶獨客歸混世青衫心獨苦逢  
人白首願多違孤蹤好並華亭鶴何處雲天不

可飛

武夷宮

武夷宮殿蔽高原路僻仍憐斷俗喧宛有雲霞  
垂石壁似聞鐘鼓出天門山深盡日啼幽鳥樹  
老多風挂嘯猿惆悵子騫今不起虛無人代幾

曾孫

甲午秋懷

浮雲直北鴈飛南日夕煙塵總不堪處士干時